



千金方

十九

卷之五

肺癰	積氣	肺勞	肺臟脉論	肺臟凡八類
飛尸鬼疰	肺痿	氣極	肺虛實	

中武 9
175
19



孫真人備急千金要方卷之五十四

宋朝奉直學士太常少卿充秘閣校理林億等校正

肺臟方

肺臟脈論第一

論曰肺主魄魄藏者任物之精也為上將使氣上行所以肺為五臟之華蓋並精出入謂之魄魄者肺之藏也鼻者肺之官肺氣通於鼻鼻和則能知香臭矣循經氣出入於頰候於下迎肺中宗華氣從外下入於肺上通於心左關右關肺葉三片三兩六葉肺耳入三寸寸四分寸七分寸九分



門下武
補 175
卷 19

篤信堂

同治

孫真人備急千金要方卷之五十四

宋朝奉郎守太常少卿充秘閣校理林億等校正

肺臟方

肺臟脉論第一

論曰肺主魄魄藏者任物之精也為上將軍使在上行所以肺為五臟之華蓋並精出入謂之魄魄者肺之臟也鼻者肺之官肺氣通於鼻鼻和則能知香臭矣循環紫宮上出於頰候於鼻下迴肺中榮華於髮外主氣內主胸與乳相當左乳庚右乳辛肺重三斤三兩六葉兩耳凡八葉有十四童子七女子守之神名鴻鴻主藏魄號為魄藏隨節應會故云肺藏氣氣舍魄在氣

同治

篤信堂

為欬在液為涕肺氣虛則鼻息利少氣實則喘喝胸盈仰息肺氣虛則夢見白物見人斬血藉藉得其時則夢見兵戰氣盛則夢恐懼哭泣厥氣客於肺則夢飛揚見金鐵之器及奇物凡肺藏象金與大腸合為腑其經手太陰與陽明為表裏其脈浮相於季夏王於秋秋時萬物之所終宿葉落柯萋萋枝條杌然獨在其脈為微浮衛氣遲榮氣數數則在上遲則在下故名曰毛陽當陷而不陷陰當昇而不昇為邪所中一氣咸激故中邪則捲陰中邪則緊捲則惡寒緊則為慄寒慄相搏故名曰瘧弱則發熱浮乃來出旦中旦發暮中暮發藏有遠近脈有遲疾周有度數行有漏刻遲在上傷毛來數在下傷下焦中焦有

惡則見有善則匿陽氣下陷陰氣則溫陽反在下陰反在巔故名曰長而且留秋脈如浮秋脈肺也西方金也萬物之所以收成也故其氣來輕虛而浮來急去散故曰浮反此者病何如而反其氣來毛而中央堅兩傍虛此謂太過病在外其氣來毛而微此謂不及病在中太過則令人氣逆而背痛愠愠然不及則令人喘呼吸少氣而欬上氣見血下聞病音肺脈來厭厭轟轟如落榆莢曰肺平秋以胃氣為本肺脈來不上不下如循雞羽曰肺病巢源無不字肺脈來如物之浮如風吹毛曰肺死真肺脈至大而虛如以毛羽中人膚色白赤不澤毛折乃死

秋胃微毛曰平毛多胃少曰肺病但毛無胃曰死毛而有弦曰春病弦甚曰今病

肺藏氣氣舍魄喜樂無極則傷魄魄傷則狂狂者意不存以皮革焦毛悴色夭死于夏

手太陰氣絕則皮毛焦太陰者行氣溫皮毛者也氣弗營則皮毛焦皮毛焦則津液去津液去則皮節傷皮節傷者則爪枯毛折毛折者則氣先死丙篤丁死火勝金也

肺死藏浮之虛按之弱如葱葉下根者死秋金肺王其脈微澀而短曰平反得大而緩者是脾之乘肺母之歸子為虛邪雖病易治反得沉濡而滑者是腎之乘肺子之乘母為實邪雖病自

愈反得浮大而洪者是心之乘肺火之尅金為賊邪大逆十死不治反得弦細而長者是肝之乘肺木之陵金為微邪雖病即瘥肝乘肺必作虛

右手關前寸口陰絕者無肺脈也若短氣欬逆喉中塞噎逆刺手陽明治陽

右手關前寸口陰實者肺實也若小氣胸中滿膨膨與肩相引刺手太陰治陰

肺脈來泛泛輕如微風吹鳥背上毛再至曰平三至曰離經病四至脫精五至死六至命盡手太陰脈也

肺脈急甚為癩疾微急為肺寒熱怠惰欬唾血引腰背胸若鼻

肺脈急甚為癩疾微急為肺寒熱怠惰欬唾血引腰背胸若鼻

肺脈急甚為癩疾微急為肺寒熱怠惰欬唾血引腰背胸若鼻

肺脈急甚為癩疾微急為肺寒熱怠惰欬唾血引腰背胸若鼻

息肉不通緩甚為多汗微緩為痿漏風一作偏風頭已汗出不可
 止太其為脛腫微大為肺痺引胸背起腰內小甚為殄泄微小
 為消痺滑甚為息貴上氣微滑為上下出血瀦甚為嘔血微瀦
 為鼠瘦在頸肢腋之間下不勝其上其應喜酸
 肺脉搏堅而長當病唾血其濡而散者當病漏一作汗至愈不
 復發散

白脉之至也喘而浮上虛下實驚有積氣在胸中喘而虛名曰
 肺痺寒熱得之醉而使內也

黃帝問曰經脉十二而手太陰之脉獨動不休何也手太陰本
 在寸口中

岐伯對曰足陽明胃脉也胃者五臟六腑之海胃脉在足趺上
十骨解其精氣上清注於肺肺氣從太陰而行之其行之也以
中是也息往來故人一呼脉再動一吸脉亦再動呼吸不已脉動不止

黃帝問曰氣口何以獨為五臟主岐伯曰胃者水穀之海六腑
 胃居其大五味入於口藏於胃以養五臟氣氣口者太陰是也
 臟腑之氣味皆出於胃變見於氣口氣口屬腑藏主即呼寸口
 者也

扁鵲曰肺有病則鼻口張實熱則喘逆胸憑仰息其陽氣壯則
 夢恐懼等虛寒則欬息下利小氣其陰氣壯則夢涉水等肺在
 聲為哭在變動為欬在志為憂憂傷肺精氣并於肺則悲也

味主秋結滿而血者病在胸及以飲食不節得病者取之合故命曰味主合

病先發於肺喘欬三日之肝脇痛支滿一日之脾閉塞不通身痛體重五日之胃腹脹十日不已死冬日入夏日出病在肺下晡慧日中甚夜半靜

假令肺病南行若食馬肉及麀肉得之不者當以夏時發得病以丙丁日也宜赤藥

凡肺病之狀必喘欬逆氣肩息背痛汗出尻陰股膝攣髀臑臑足皆痛虛則少氣不能報息耳聾盜乾取其經手太陰足太陽之外厥內少陰血者

肺脉沉之而數浮之而喘苦洗洗寒熱腹滿腸中熱小便赤肩背痛從腰以上汗出得之房內汗出當風

肺病其色白身體但寒無熱時時欬其脉微遲為可治宜服五味子太補肺湯瀉肺散春當刺少商夏刺魚際皆瀉之季夏刺太淵秋刺經渠冬刺尺澤皆補之又當灸臑中百壯第三椎二十五壯

邪在肺則皮膚痛發寒熱上氣氣喘汗出欬動肩背取之膺中

外膺背第三椎之傍以手重按之快然乃刺之取之缺盆中以越之

形寒寒飲則傷肺以其兩寒相感中外皆傷故氣逆而上行肺

氣傷其人勞倦則欬唾血其脉細緊浮數皆吐血此為躁擾噴
怒欬逆肺傷氣擁所致也

肺中風者口燥而喘身運而重胃而腫脹

肺中寒者其人吐濁涕

肺中水者其人身體腫而小便難時時大便鴨溇

肺脹者虛而滿喘欬目如脫狀其脉浮大

太陽脉浮緩少陽脉微緊微為血虛緊為微寒此為鼠乳診得

肺積脉浮而毛按之辟易脇下時時痛逆背相引痛少氣善忘

目瞋結癰皮膚寒秋愈夏劇主破中時痛如蝨緣之狀甚者如

針刺之狀時癢色白也

肺之積名曰息賁在右脇下覆大如杯久火不愈病灑灑寒熱
氣逆喘欬發肺癰以春甲乙日得之何也心病傳肺肺當傳肝
肝適以春王王者不受邪肺復欲還心心不肯受因留結為積
故知息賁以春得之

肺病身當有熱欬嗽短氣唾出膿血其脉當短瀯今反浮大其
面當白而反赤者此是火之尅金為大逆十死不治商音人者
主肺聲也肺聲哭其音磬其志樂其經手太陰厥逆陽明則榮
衛不通陰陽反祚陽氣內擊陰氣外傷傷則寒寒則虛虛則厲
風所中噓吸戰掉語聲嘶塞而散下氣息短憊四肢辟弱面色
少葩遺失便利甚則不可治依源麻黃續命湯主之方見第八

卷中

又言音喘急短氣好唾此為火尅金陽擊陰陰氣沉陽氣昇昇則實實則熱熱則狂狂則閉眼悸言非常所說口赤而張飲無時度此熱傷肺肺化為血不治若面赤而鼻不欬可治也
 肺病為癆者令人心寒寒甚則熱熱間善驚如有所見者恒山湯主之方見第十卷中若其人本來語聲雄烈忽爾不亮拖氣用力方得出言而反於常人呼共語直視不應雖曰未病勢當不久此則肺病聲之候也察觀疾病表裏相應依源審治乃不失也
 白為肺肺合皮白如豕膏者吉肺主鼻鼻是肺之餘其人金形相比於上商白色小頭方面小肩背小腹小手足發動身輕清

廉急心靜悍性喜為吏耐秋冬不耐春夏春夏感而生病主手太陰廉廉然肩膺厚薄正竦則肺應之正白色小理者則肺小九寸小則少飲不病喝喘粗理者則肺大大則虛虛則寒喘鳴多飲善胸喉痺逆氣臣有反膺陷喉者則肺高高則實實則熱上氣病肩息欬逆合腋張脇者則肺下下則逼實迫肝善脇下痛鼻塞或壅而涕生息肉好肩背厚者則肺堅堅則不病欬上氣肩背薄者則肺脆脆則易傷於熱喘息鼻衄肩膺好者則肺端正端正則和利難傷膺偏欬者則肺偏傾偏傾則病胸痛鼻亦偏疾凡人分部陷起者必有病生太腸陽明為肺之部而藏氣通於内外部亦隨而應之沉濁為內浮清為外若外病內入則所

部起內病裏出則所部陷外入前治陽後治陰內出前治陰後
治陽實瀉虛補陽主外陰主內凡人死生休否則藏神前變形
于外人肺前病鼻則為之孔開焦枯若肺前死鼻則為之梁折
孔閉青黑色若天中等分暮色應之必死不治看色深淺斟酌
賒促遠不出一年促不延時月肺疾少愈而卒死何以知之曰
赤一黑如拇指屬顛見頰頰上此必卒死肺絕三日死何以知
之口張但氣出而不還面白目青是謂亂經飲酒當風風入肺
經膽氣妄泄目則為青雖有天救不可復生面黃目白如枯骨
死吉凶之色在於分部順順而見赤白入鼻必病不出其年若
年間不應三年之中禍必應也

秋金肺脉色白王手太陰脉也秋取經腧秋者金始治肺將收
殺金將勝火陽氣在合陰氣初勝濕氣及體陰氣未盛未能深
入故取腧以瀉陰邪取合以虛陽邪陽氣始衰故取於合其脉
本在寸口之中掌後兩筋間二寸中應在腋下動脉其脉根於
太倉太倉在臍上三寸一分是也
其筋起於手太指之上循指上行結於魚後行寸口外側上循
臂結肘中上膈內廉入腋下上出缺盆結肩井前上結缺盆下
結胸裏散貫貫下抵季脇
其脉起於中焦下絡大腸還循胃口上膈屬肺從肺系橫出腋
下下循膈內行少陰心主之前下肘中後循臂內上骨下廉入

寸口上魚循魚際出大指之端其支者從腕後直次指內廉出其端合手陽明為表裏陽明之本在肘骨中同會于手太陰太陰之別名列缺起於腋下分間並少陰之經直入掌中散入於魚際別走手陽明主肺生病實則大腸熱熱則手少掌起起則陽病陽脈反逆大於寸口二倍病則欬上氣喘渴煩心胸滿膈內前廉痛掌中熱氣盛有餘則肩背痛風汗出中風虛則大腸寒寒則欠欬小便遺數數則陰病陰脈反小於寸口一倍病則肩背寒痛少氣不足以息季脇空痛尿色變卒遺失無度秋三月者主肺大腸白氣裡病也其源從太陽擊手太陰太陰受淫邪之氣則經絡雍滯毛皮緊發泄邪生則臟腑傷溫隨

秋受厲其病相反若腑虛則為陰邪所傷自寒乍執損肺傷氣暴嗽嘔逆若臟實則為陽毒所損體熱生斑氣喘引飲故曰白氣裡病也

扁鵲云灸心肺二腧主浴丹毒白裡病當依源為療調其陽理其陰則臟腑之病不生矣

肺虛實第二 灸法

肺實熱

右手寸口氣口以前脈陰實者手太陰經也病苦肺脹汗出若露上氣喘逆咽中塞如欲嘔狀名曰肺實熱也
治肺實熱胸憑仰息泄氣除熱方

石膏 八兩

白前

杏仁 各三兩

赤蜜 七合

橘皮

白木 各五兩

枸杞根皮 切二升

右七味㕮咀以水七升煮取二升去滓下蜜煮三沸分三服

治肺熱言音喘息短氣好唾膿血方

生地黃切升 石膏八兩 麻黃五兩 羚羊角 芒消各兩 赤蜜一升

杏仁四兩 升麻 淡竹茹雞子大枚

右九味㕮咀以水七升煮取二升去滓下蜜煮兩沸分三服

治肺熱悶不止胸中喘急驚悸客熱來去欲死不堪服藥泄胸

中喘氣方

桃皮

芫花 各一升

右二味㕮咀以水四斗煮取一斗五升去滓以故布手巾內

汁中薄胸溫四肢不多數日即歇

橘皮湯治肺熱氣上欬息奔喘方

橘皮

麻黃 各三兩

柴胡

乾紫蘇 刪繁作乾 蘇各三兩

宿薑

杏仁 各四兩

石膏 八兩

右七味㕮咀以水九升煮麻黃兩沸去沫下諸藥煮取三升

去滓分三服不瘥與兩劑

治肺熱喘息鼻衄血方

羚羊角

玄參

射干

雞蘇

芍藥

升麻

柏皮 各三兩 生地黃 切一升

梔子仁 四兩

淡竹茹 雞子大一枚

右十味㕮咀以水九升煮取三升分三服瀕利者下礎石二

兩更煮三沸

治肺熱飲酒當風風入肺膽氣妄泄目青氣喘方

麻黃兩四

甘草

五味子兩各三杏仁五十枚

母薑兩五

淡竹葉升切一

右六味以水七升先煮麻黃去沫下諸藥者取三升去滓分三服

瀉肺散治酒客勞倦或出當風喜怒氣舍於肺面黃腫起即頭眩欬逆上氣時忽忽欲絕心下弦急不能飲食或吐膿血胸痛引背支滿欲嘔方

五味子

百部兩各二兩半

茯苓

附子

菴蓉

當歸

石解

遠志

續斷兩各一

細辛

甘草各七分

防風

蜀椒

紫苑

桂心

款冬花

乾薑各一兩半

桃仁六十枚

杏仁三十枚

右十九味治下篩以酒服方寸七日後稍加至二七

灸法

肺脹氣搶脇下熱痛灸陰都隨年壯穴在俠胃腕兩邊相去一寸胃腕在心下三寸

肺脹脇滿嘔吐上氣等病灸大椎并兩乳上第三肋間各止七壯

肺與大腸俱實

千金方

卷五十四

上

未

右手寸口氣口以前脉陰陽俱實者手太陰與陽明經俱實也
病苦頭痛目眩驚狂喉痺痛手臂捲唇吻不收名曰肺與大腸
俱實也治肺與大腸俱實令人氣憑滿煮散方

茯苓

麻黃各六分 黃耆

大青

桂心各三分

細辛

杏仁各五分 石膏二兩

丹參半兩

五味子

甘草

貝母

橘皮

芎藭各一兩

枳實三枚

右十五味治下節為粗散帛裹一方寸七分并花水一升五
合煮取七合為二服日再

肺虛冷

右手寸口氣口以前脉陰虛者手太陰經也病苦少氣不足以

息嗑乾不津液名曰肺虛冷也

治肺虛冷聲嘶傷語言用力戰掉緩弱虛瘡風入肺方

防風

獨活

芎藭

秦椒

乾薑

黃耆各四分

天雄

麻黃

五味子

山茱萸各三十

甘草三十

秦艽

桂心

薯蕷

杜仲

人參

細辛

防已各三

甘菊花

紫苑各二十

貫衆二枚

附子七分

右二十二味治下節以酒服方寸七日一方有石膏六分
酥蜜膏酒治肺虛寒癘風所傷語聲嘶塞氣息喘噤欬唾上氣

嗽通聲方

酥 崖蜜 飴糖 生薑汁 生百部汁

棗肉 杏仁各一升 研 并皮五貝

右八味合和微火煎常攪三上三下約一炊又取薑汁等各減半止溫酒一升服方寸七細細咽之日二夜

又方

豬胆三貝 大棗百枚

右二味以酒五升漬之秋冬七日夏春五日出布絞去滓七日服盡二七日忌鹽羊胆亦得治欬嗽胸脇支滿多喘上氣尤良肘後方治久欬上氣二十年諸治不痊者

治肺寒損傷氣嗽及涕唾鼻塞方

棗肉二斤 研 杏仁一升 熬酥 生薑汁

白糖 白蜜 生百部汁各一升

右七味合和微火煎常攪約一炊又下之細細溫清酒服一合日二

補肺湯治肺氣不足逆滿上氣咽中悶塞短氣寒從背起口中如含霜雲言語失聲甚者吐血方

五味子三兩 乾薑 桂心 欵冬花各二兩 麥門冬一升

大棗一百枚 粳米二合 桑根白皮一斤

右八味咬咀以水一斗先煮桑白皮五沸下藥者取三升分三服

又方

黃耆五兩

甘草

鍾乳

人參各二兩

乾地黄

桂心

茯苓

白石英

桑白皮

厚朴

乾薑

紫苑

橘皮

當歸

五味子

遠志

麥門冬各三兩 大棗二十枚

右十八味咬咀以水一斗四升煮取四升分五服日三夜二

又方專治肺氣不足欬逆上氣牽繩而坐吐沫唾血不能飲食

蘇子升

桑白皮五兩 半夏六兩

紫苑

人參

甘草

五味子

杏仁各二兩 欬冬花

射干各半兩

麻黃

乾薑

桂心各三兩 細辛一兩

右十四味咬咀以水一斗二升煮取三升半分五服日三夜

二

又方治肺氣不足欬逆短氣寒從背起口中如含霜雪語無音聲而渴舌本乾燥方

五味子

蘇子各一升

白石英

鍾乳各二兩

欬冬花

竹葉

橘皮

桂心

桑白皮

茯苓

紫苑各一兩

粳米二合

麥門冬四兩 生薑五兩

杏仁五十枚

大棗十枚

右十六味咬咀以水一斗三升先煮桑白皮粳米大棗米熟

去滓內諸藥者取五升分六服日三

又方治肺氣不足心腹支滿欬嗽喘逆上氣噤膿血胸背痛手足煩熱惕然自驚皮毛起或哭或歌或怒乾嘔心煩耳中聞風雨聲面色白方

欬冬花 桂心各二 桑白皮一斤 生薑 五味子

鍾乳各三 粳米升一 大棗十 麥門冬四

右九味咬咀以水一斗二升先煮粳米棗令熟去之內藥煎

取二升分三服温服之方用白石英二兩黃濟用紫苑人參各二兩名紫苑

麻子湯治肺氣不足欬噤膿血氣短不得臥方

麻子升一 桑白皮 錫各一 桂心 人參各二

阿膠 紫苑各一 生薑三 乾地黄四

右九味咬咀以水一斗五升合煮取四升分五服

錫煎治肺氣不足咽喉苦乾方

作錫任多少取乾棗一升去核熟搗水五升和使相得絞

去滓澄去上清取濁者內飴中攪火上前勿令堅令連連

服如雞子大漸漸吞之日三夜二

治肺風氣痿絕四肢滿脹喘逆胸滿方

炙肺腧各二壯肺腧對乳引繩度之在第三椎下兩傍相

去各一寸五分

肺與大腸俱虛

右手寸口氣口以前脈陰陽俱虛者手太陰與陽明經俱虛也
病苦耳鳴嘈嘈時妄見光明情中不樂或如恐怖名曰肺與大
腸俱虛也

小建中湯治肺與大腸俱不足虛寒之氣小腹拘急腰痛羸瘠
百病方

大棗十二枚 生薑

桂心各三兩 甘草二兩

芍藥六兩

右五味㕮咀以水八升煮取三升去滓內糖八兩煮令

三服時後用黃耆人參各二兩

肺勞第三論方

論曰凡肺勞病者補腎氣以益之腎王則感於肺矣人逆秋氣
則手太陰不收肺氣焦滿順之則生逆之則死順之則治逆之
則亂反順為逆是為關格病則生矣
麻黃引氣湯治肺勞實氣喘鼻張面自苦腫方

麻黃

杏仁

生薑

半夏各五分

紫蘇四分

白前

細辛

桂心各三分

橘皮二分

石膏八兩

竹葉升切一

右十一味㕮咀以水一斗煮取三升去滓分三服

半夏湯治肺勞虛寒心腹冷氣逆遊氣胸脇氣滿從胸達背痛
憂氣往來嘔逆飲食即吐虛乏不足方

三百四十一

半夏升一 生薑斤一 桂心兩四 甘草 厚朴各二兩

人參 橘皮 麥門冬各三兩 右小味咬咀以水一斗煮取四升分四服腹痛加當歸二兩

厚朴湯治肺勞風虛冷痰癖水氣晝夜不得卧頭不得近枕上氣胸滿喘息氣絕此痰水盛溢方

厚朴 麻黃 桂心 黃芩 石膏

大戟 橘皮各二兩 枳實 甘草 秦艽

杏仁 茯苓各三兩 細辛兩一 半夏升一 生薑兩十

太棗十五枚

右十六味咬咀以水一斗三升煮取四升分五服

治喉痺氣逆欬嗽口中涎唾方

灸肺腧七壯亦可隨年壯至百壯

孫真人備急千金要方卷之五十四

卷之五十四 付角一

千金方
卷之五十五
五十一

孫真人備急千金要方卷之五十五

宋朝奉郎守太常少卿充祕閣校理林億等校正

肺臟方

氣極第四 論方

論曰凡氣極者主肺也肺應氣氣與肺合又曰以秋遇病為皮痺皮痺不已復感於邪內含於肺則寒濕之氣客於六腑也若肺有病則先發氣氣上衝胸常欲自恚以秋庚辛日傷風邪之氣為肺風肺風之狀多汗若陰傷則寒寒則虛虛則氣逆欬欬則短氣暮則甚陰氣至濕氣生故甚陰畏陽氣晝則則瘥若陽傷則熱熱則實實則氣喘息上胸臆甚則唾血狀陽病治陰陰

千金方 卷之五十五 一

是其裏陰病治陽陽是其表是以陰陽表裏衰王之源故知以陽調陰以陰調陽陽氣實則決陰氣虛則引善治病者初入皮毛肌膚筋脉則治之若至六腑五臟半死矣扁鵲曰氣絕不治喘_{一作奔}而冷汗出二日死氣應手太陰太陰氣絕則皮毛焦氣先死矣鍾乳散治氣極虛寒陰畏陽氣晝寤暮甚氣短息寒亦治百病令人力強能飲食去風冷方

鍾乳_{別研} 乾薑 桔梗 茯苓 細辛 桂心 附子
人參_{各一兩} 白木_{一兩} 防風 栝蒌根 牡蠣_{各二兩}
右十二味治下篩酒服方寸七日三漸加至二七五十以上

可數服得力乃止千金翼云有冷加椒有熱加黃芩各三兩
黃耆湯治氣極虛寒皮毛焦津液不通虛勞百病氣損力乏方

黃耆_{四兩} 人參_{四兩} 白木_{一兩} 桂心_{各一兩}
生薑_{八兩} 大棗_{十枚} 附子_{三十銖}
右七味咬咀以水八升煮取二升去滓分四服
大露宿圓治氣極虛寒痺不巳內含於肺寒氣入客於六腑腹脹虛滿寒冷積聚百病方

礬石_{肘後作礬石} 乾薑 桂心 皂莢
桔梗 附子_{各三兩}
右六味為末蜜丸梧子大酒服十九日二漸加之慎熱及近

火等

硫黃圓治氣極虛寒澀飲胸中痰滿心腹痛氣急不下飲食方

硫黃

礬石

乾薑

附子

烏頭

桂心

細辛

白朮

桔梗

茯苓各二兩

右十味為末蜜丸如梧子酒服十九日三漸加之以止為度

附後無白朮桔梗茯苓用吳茱萸蜀椒人參皂莢當歸十二種為丸用治人大冷夏月溫飲食不鮮衣者

大前胡湯治氣極傷熱喘息衝胸常欲自恚心腹滿痛內外有熱煩嘔不安方

前胡八兩

半夏

麻黃

芍藥各四兩

生薑五兩

黃芩三兩

枳實四枚

大棗十二枚

右八味以水九升煮取三升去滓分三服溫

竹葉湯治氣極傷熱喘甚則唾血氣短乏不欲食口燥咽乾

竹葉二升

麥門冬

小麥

生地黄各一升

生薑

石膏各六兩

麻黃三兩

甘草一兩

大棗十枚

右九味以水一斗煮取三升去滓分三服

灸法

嘔吐七氣灸尺澤不三則七壯尺澤者在腕後肘中橫文腹中

雷鳴相逐食不化逆氣炎上腕下一寸名太倉七壯

積氣第五 論方灸法

論曰七氣者寒氣熱氣怒氣悲氣喜氣憂氣秋氣凡七種氣積聚堅大如杯若梓在心下腹中疾痛不能飲食時來時去每發欲死如有禍崇此皆七氣所生寒氣即嘔逆惡心熱氣即說物不竟而迫怒氣即上氣不可忍熱痛上搶心短氣欲死不得息悲氣即積聚在心下不得飲食喜氣即不可疾行不能久立憂氣即不可劇作暮卧不安愁氣即喜忘不識人語置物四方還取不得去處若聞急即四肢腫手足筋攣提不能舉如得病此是七氣所生男子卒得飲食不時所致婦人即產後中風諸

可從

疾也

七氣圓方

- | | | | |
|-----|-------------------------|------------------------|-----------------------|
| 烏頭 | 大黃 <small>各七</small> | 紫苑 | 半夏 |
| 前胡 | 細辛 | 丹參 | 茯苓 |
| 芎藭 | 梔仁 <small>胡洽作杏仁</small> | 菖蒲 <small>一作芍藥</small> | 石膏 |
| 吳茱萸 | 桂心 | 桔梗 <small>各三分</small> | 人參 |
| 甘草 | 防葵 <small>各一兩</small> | 乾薑 | 蜀椒 <small>各半兩</small> |
- 右二十味為末蜜丸如梧子大酒服三九日三加至十九下方去半夏加甘草三分 胡洽無冊參甘草
- 七氣圓方七氣者寒氣熱氣怒氣悲氣喜氣憂氣秋氣此

之為病皆生積聚，聚如杯，心腹絞痛，不能飲食，時去時來，發則欲死。凡寒氣狀吐逆，心滿熱氣狀恍惚，眩冒失精，怒氣狀不可當，熱痛上湯，心短氣欲絕，不得息，恚氣狀積聚，心滿不得食，飲喜氣狀不可疾行，久立憂氣狀不可苦作，卧不安，席愁氣狀平故如怒，喜忘四肢，附腫不得舉止，亦治產後中風餘疾方。

大黃 二兩

人參

半夏

吳茱萸

柴胡

乾薑

細辛

桔梗

葛蒲 各二分

茯苓

芎藭

甘草

蜀椒 一分

石膏

桃仁 各三分

右十五味為末，蜜丸如梧子大，每服酒下三丸，日三服，漸加。

至十丸

千金翼十味無茯苓，芎藭甘草石膏桃仁。

七氣湯治寒氣熱氣憂氣勞氣愁氣或飲食為膈氣或勞氣肉傷五臟不調氣衰少力方。

乾薑

黃芩

厚朴

半夏

甘草

乾地黄

芍藥

桔萸根

蜀椒 二兩深

枳實 五枚

人參 一兩

吳茱萸 五合

右十二味，以水一斗，煮取三升，分三服，日三。

又方治虛冷，氣勞氣等方。

半夏 一升

生薑

甘草 各兩

桂心

右五味咬咀以水一斗煮取三升分三服日三
 五膈圓治憂膈氣膈食膈飲膈勞膈五病同藥服以憂善思慮
 飲食得之若冷食及生菜便發其病若心滿不得氣息引背痛
 如刺之狀食即下心堅大如粉絮大痛欲吐吐即瘥飲食不得
 下甚者及手足冷上氣欬逆喘息短氣方

- 麥門冬 甘草 蜀椒 遠志
- 桂心 細心 附子 人參

乾薑兩一
 右丸味為末蜜丸微使淖先食含如彈丸一枚細細咽之喉
 中胸中當熱藥力稍盡復含一九日三夜二服藥十日愈

左云若不能含者可分二太丸作十小圓盡服之夏月含益
 麥門冬其草人參胡洽云亦可梧子大十九酒服之經心錄
 以吳茱萸代桂心酒下如梧子五九空腹服之治寒冷則心
 痛咽中有物吐之不出咽之不下食飲少者

治結氣冷癥積在脇下及脚氣上入小腹腹中脹滿百病方
 大蒜去心皮三升搗合極熟以水三升和合調絞取汁更
 搗餘滓合熟更以水三升和合調絞取汁更搗餘滓合熟
 更以水三升和合調絞取汁合得九升所得滓可桃顯大
 棄却以微火煎取二升下牛乳三升合煎取三升且起空
 腹一頓温服合盡至申時食三日服一劑三十日服十劑
 止

大蒜煎治疝瘕積聚冷癖痰飲心腹脹滿上氣欬嗽刺風風顛

偏風半身不隨腰疼膝冷氣息不塞百病方

蒜六斤四兩去皮切水

酥一升內蒜汁中

牛乳二升

葦茛

胡椒

乾薑各二兩

石蜜

阿魏

戎鹽各二兩

石菖蒲

木香各一兩

乾蒲桃四兩

右十二味為末合內蒜汁中以銅器微火煎取一斗空腹酒下二兩五日已上稍加至三兩二十日覺四體安和更加至六兩此治一切冷氣甚良
桔梗破氣圓治氣上下不塞不能息方

桔梗

橘皮

乾薑

厚朴

枳實

細辛

葶藶各三分

吳茱萸

白朮

胡椒

蜀椒

烏頭各一分

葦茛十分

人參

桂心

附子

茯苓

前胡

防葵

芎藭各五分

甘草

大黃

檳榔

當歸各八分

右二十四味為末蜜丸如梧子大每服酒下十九日三有熱者空服服之

檳榔湯治氣實若積聚不得食息方

檳榔三七枚

附子一枚

半夏一升

細辛一兩

生薑八兩

大黃

紫苑

柴胡各三兩

橘皮

甘草

紫蘇冬用

茯苓各二兩

右十二味以水一斗煮取三升分三服相去如人行十里久若有癥結堅實如石加鼈甲三兩防葵二兩氣上加桑白皮切二升枳實厚朴各二兩消息氣力強弱進二劑後隔十日更服前桔梗破氣圓

治積年患氣發作有時心腹絞痛忽然氣絕腹中堅實醫所不治復謂是蠱方

- 檳榔大者四枚 附子一枚 半夏一升 柴胡三兩
- 生薑八兩 橘皮 甘草 桂心各二兩
- 當歸 枳實各二兩

右十味以水一斗煮取三升分三服五日一劑服三劑永除根本

半夏湯治逆氣心腹滿氣上胸脇痛寒冷心腹痛嘔逆及吐不下食憂氣結聚方

- 半夏一升 生薑 桂心各五兩 橘皮四兩

右四味以水七升煮取三升分四服日三夜一人強者作三服亦治霍亂後吐逆腹痛

又方治逆氣心中煩滿氣悶不理氣上方見第十六卷嘔吐篇四味者是

貝母湯治氣咽喉塞短氣不得卧腰背痛胸滿不得食面

色萎黃方

貝母一兩

生薑五兩

桂心

麻黃

石膏

甘草各二兩

杏仁三十枚

半夏五合

右八味以水一斗煮取三升分三服日三

麻黃湯治氣脉浮欬逆喉中水雞聲喘息不通呼吸欬死方

麻黃八兩

甘草四兩

大棗三十枚

射干如博棊子二枚

右四味以井花水一斗煮麻黃三沸去沫內藥煮取四

升分四服日三夜一

奔氣湯治太氣上奔胸膈中諸病發時迫滿短氣不得卧劇者便惰欬死腹中冷濕氣腸鳴相逐成結氣方

生薑一斤

半夏

吳茱萸各一斤

桂心五兩

人參

甘草各二兩

右六味以水一斗煮取三升分四服

枳實湯下氣治胸中滿悶方

枳實三枚

附子二枚

大棗十四枚

半夏五兩

人參

甘草

白朮

乾薑

厚朴各二兩

右九味以水七升煮取二升半每服八合日三下氣治氣滿腹脹方

半夏一斤

生薑一斤

人參一斤

橘皮三兩

右四味以水七升煮取三升去滓分三服日三服無

治氣兩脇滿急風冷方

杏仁

茯苓

防葵各八分

吳茱萸

橘皮

桂心

防風

澤瀉各五分

白朮

射干

芍藥

蘇子

桔梗

枳實各六分

右十四味為末蜜丸梧子大酒服十九日一加至二十九

治氣滿閉塞不能食喘息方

訶梨勒十枚為末蜜丸如梧子食後服三丸不忌得利即

治氣欬逆方

蘇子升一

五味子合五

麻黃

細辛

紫菀

人參

黃芩

甘草

桂心

當歸各一兩

生薑五兩

半夏三兩

右十二味以水一斗煮取三升分作三服

治氣上不得卧神秘方

橘皮

生薑

紫蘇

人參

五味子各五兩一作桔梗

右五味以水七升煮取三升分三服

治熱發氣上衝不得息欲死不得卧方

桂心兩半

白石英

麥門冬

枳實

白鮮皮

貝母

茯神

檳榔仁

天門冬

各二兩半車前子二兩

人參

前胡

橘皮

白薇

杏仁各一兩半

郁李仁三兩

桃仁分五

右十七味為末蜜和丸如梧子大以竹葉飲服十九日二加至三十九

竹葉飲法

竹葉

紫蘇子各一

紫苑

白前各二

百部

甘草

生薑各三兩

右七味以水八升煮取三升溫下前丸藥盡更合

人參湯安食下氣理胸脇并治客熱方

人參

麥門冬

乾薑

當歸

茯苓

甘草

五味子

黃耆

芍藥

枳實各二兩

桂心三兩

半夏一升

大棗十五枚

右十三味以水九升煮取三升去滓每服九合從旦至晡分三服皆熱服慎勿冷

海藻橘皮圓下氣治風虛支滿膀胱虛冷氣上衝肺息奔冷咽

喉氣悶逆來方

海藻 橘皮 白前各三分 杏仁

茯苓 芍藥 桂心各五分 蘇子合五

棗肉 桑根白皮 昆布各二 吳茱萸

人參 白朮 葶藶各一

右十五味為末蜜丸如梧子大飲服十九日一加至十五丸以利小便為度

治氣上方

礪砂 細辛 牛膝各等分

右三味末氣發酒服方寸匕後三日忌酒餘禁如藥法

治上氣方

上酥升一 獨頭蒜五顆

右二味先以酥煎蒜蒜黃出之用生薑汁一合共煎令熟空

腹温服一方寸匕

治上氣嘔吐方

芥子二升為末蜜丸寅時以井花水服如梧子七九日二

亦可作散空腹服之及有酒浸服并治臍下絞痛

治勞氣方

小芥子二升擣末絹袋盛酒三斗浸之密封七日去滓温

服半升漸至一升半得盡更合息如藥法

治上氣三十年不瘥方

大棗

杏仁各一百枚

豉一百粒

蜀椒二百粒

右四味先搗杏仁豉令熟後內棗椒更搗為丸如棗核大含稍稍咽之日三夜

治積年上氣不瘥再死者方

菘若子

熬令色變熟羊肝薄切

右二味各搗等分以七月七日神酢拌令相著夜不食空腹服二方寸七須拾針兩食間以冷漿白粥二匕止之隔日一服永瘥四十日內得煮飯汁作燕薈羹食之已外一切禁斷下氣方

生薑五兩

小麥二升

右二味以水七升煮取一升頓服

又方 大棗二十七枚

紫蘇莖葉切一升

右二味以酒三升煮取一升半分再服水煮亦得一方加橘

皮半兩肘後方無棗用橘皮

治氣方

桃皮二斤去黃有咬咀以水五升煮取三升每服一升瘥止

又方酒服驢脂二合日一瘥止

又方黃牛乳二升煎取一升和生乳一升空腹服之日一瘥止

又方驢乳初服三合三百後日服五合後至七合七日後至一
 升忌菜葉猪魚油等
 又方尿空腹服百日即止治一切病
 又方烏牛尿空腹服日再至三升止
 補氣虛逆方

大棗三升 甘皮去膜十具 乾薑二兩 乾地黃八兩
 右四味治下篩酒四升漬棗二宿漉出棗取酒爲炊汁將棗
 內甑中微火蒸令棗膏入金中酒裏煎酒令餘二升許候甑
 中棗只留皮核在乃止火貯器中將前散及熱下攪令調大
 畧與糖相似以酒服二合日再此方非止補氣亦通治一切

短氣并形體羸瘦甚良

大補氣方

乾地黃五兩

甘草

秦椒各一兩

乾薑

地骨皮

昆布各四兩

白朮

桂心

人參

厚朴

海藻各三兩

羊腎一具去膏

羊肚一具治如食法去膏骨

右十三味治下篩內羊肚中合腎縫塞肚口蒸極熟爲度乘
 熱木臼合搗取肚腎與藥爲一家曝乾更搗爲散酒服方寸
 七日二

白石英散明目利小便治氣及補五勞七傷無所不治方

煉成白石英十兩 白石英無多少以鎚子碾上細礱向明
選去塵翳色暗黑黃赤者惟取白淨者
為佳搗絹下之糞器中研令極細熟以生絹袋於銅器中
水飛之如作粉法如此三度研訖澄之漸漸去水盡至
石英膠得乾看上有粗惡不淨者去之取中央好者在下
有粗惡者亦去之更研堪用者使熟白絹袋盛著糞梳
中以糞梳蓋之於二斗米上蒸之飯熟訖出
取懸之使乾更於糞器中研之為成

石斛 從蓉各六
澤瀉

茯苓

橘皮各一 菟絲子三

右七味治下篩總於糞器中研令相得重篩酒服方寸七日
二不得過之 猪魚鵝鴨蒜冷酢滑

補傷散治肺傷善泄欬善驚恐不能動筋不可遠行膝不可久
立汗出鼻乾少氣喜悲心下急痛引胸中卧不安席忽忽喜

夢寒熱小便赤黃目不遠視唾血方

天門冬升一 防風 澤瀉 人參

阿膠各一兩半 栝蒌根 前胡 芍藥

石膏 乾薑 大豆卷各二兩 紫苑

白欬各一兩 桂心 白朮各四兩 乾地黄

甘草 薯蕷 當歸各二兩半

右十九味治下篩食上酒服方寸七日三

白石英圓補養肺氣方

白石英一作白石脂 陽起石 磁石 菟絲子

從蓉 乾地黄各二兩半 石斛 栝蒌根各五

白木

五味子各二兩

防風

桂心

人參各一兩

蛇牀子半兩

右十五味爲末蜜丸如梧子酒下十五丸加至二十九丸旦服理氣圓治氣不足方

杏仁

桂心各一兩

乾薑

益智子各二兩

右四味爲末蜜丸如梧子未食服三丸以止爲度

治冷氣氣短方

蜀椒五兩絹袋盛酒一斗浸二七日服之任意多少

治讀誦勞極疲乏困頓方

酥

油

糖

酒

白蜜各二升

右五味合於銅器中微火煎二十沸下之爲準七日七夜服令盡宜慎生冷

又方

人參

甘草

茯苓各二兩

地骨皮

芎藭

芍藥

乾地黄

黃耆各三大棗二十枚

右十味以水一斗煮取三升分三服一方用桂心三兩

治卒短氣方

擣韭汁服一升立瘥肘後方治卒短氣鳴息便欲絕

治乏氣方

千金方

卷五十五

七

二百四十六

生薑

枸杞葉各二兩

右二味吹咀以水三升煮取一升頓服
治少年房多短氣方

豉七

梔子二七枚

右二味以水二升煮取豉一升半去豉內梔子煮取八合服
半升不瘥更服

灸法

凡上氣冷發腹中雷鳴轉吐嘔逆不食灸太衝不限壯數從痛
至不痛從不痛至痛止
上氣厥逆灸胸堂百壯穴在兩乳間

胸膈中氣灸關膈隨年壯扁鵲云第四椎下兩傍各一寸半名關膈

心腹諸病堅滿煩痛憂思結氣寒冷霍亂心痛吐下食不消腸

鳴泄利灸太倉百壯太倉穴一名胃募在心下四寸乃胃脘下一寸結氣囊裹針藥

所不及灸胃募隨年壯胃募二穴從乳頭部度至臍中屈去半

從乳下行度頭是穴

下氣灸肺膈百壯又灸太衝五十壯

凡臍下絞痛流入陰中發作無時此冷氣灸關元百壯穴在臍

下三寸

短氣不得語灸天井百壯穴在肘後兩筋間○又灸太椎隨年

壯○又灸肺膈百壯○又灸肝膈百壯○又灸尺澤百壯○又

壯○又灸肺膈百壯○又灸肝膈百壯○又灸尺澤百壯○又

灸小指第四指間交脉上七壯○又灸手十指頭合十壯○少年房多短氣灸鳩尾頭五十壯○又鹽灸臍孔中二十七壯○乏氣灸第五椎下隨年壯

論曰凡卒厥逆上氣氣攻兩脇心下痛滿奄奄欲絕此為奔豚氣即急作湯以浸兩手足數數易之

奔豚灸氣海百壯穴在臍下一寸半○又灸關元百壯穴在臍下三寸○奔豚灸期門百壯穴直兩乳下第二肋端傍一寸五分奔豚腹腫灸章門百壯章門一名長平二穴在大橫外直臍季脇端○奔豚搶心不得息灸中極五十壯中極一名玉泉在臍下四寸○奔豚上下腹中與腰相引痛灸中府百壯穴在乳

上三肋間○奔豚上下灸四滿二十七壯穴俠丹田兩傍相去三寸即心下八寸臍下橫文是也

孫真人備急千金要方卷之五十五

千金方

卷五十五

七

子云平

孫真人備急千金要方卷之五十六

論曰寸口脉數其人病欬口中反有濁唾涎沫出何也師曰此為肺痿之病何從得之師曰病熱在上焦因欬為肺痿或從汗出或從嘔吐或從消渴小便利數或從便難數被駛藥下重亡津液故得肺痿又寸口脉不出而反發汗陽脉早索陰脉不潤三焦踈入而不出陰脉不潤身體反冷其內反煩多唾唇燥小便反難此為肺痿傷於津液便如爛瓜下如豚腦但坐發汗

孫真人備急千金要方卷之五十六 規六

宋朝奉郎守太常少卿充祕閣校理林億等校正

肺臟方

肺痿第六 論方

論曰寸口脉數其人病欬口中反有濁唾涎沫出何也師曰此為肺痿之病何從得之師曰病熱在上焦因欬為肺痿或從汗出或從嘔吐或從消渴小便利數或從便難數被駛藥下重亡津液故得肺痿又寸口脉不出而反發汗陽脉早索陰脉不潤三焦踈入而不出陰脉不潤身體反冷其內反煩多唾唇燥小便反難此為肺痿傷於津液便如爛瓜下如豚腦但坐發汗

千金方 卷五十六 周少

故也其病欲飲不得飲飲出乾沫久久小便不利其脈平弱肺痿吐涎沫而不飲者其人不渴必遺溺小便數所以然者上虛不能制下故也此為肺中冷必眩師曰肺痿飲唾咽燥欲飲者自愈自張口者短氣也

甘草乾薑湯溫臟治肺痿多涎唾小便數肺中冷必眩不渴不效若渴者屬消渴法上虛下不能制溲服此湯已小溫覆之方

甘草兩四

乾薑二兩集驗肘後有大棗十二枚

右二味咬咀以水三升煮取一升半去滓分二服

甘草湯治肺痿涎唾多出血心中溫溫液液方千金翼名五甘草二兩咬咀以水三升煮取一升半去滓分三服

生薑甘草湯治肺痿飲唾涎沫不止咽燥而渴方

生薑兩五

甘草兩四

人參兩三

大棗十二枚

右四味咬咀以水七升煮取三升去滓分三服

桂枝皂莢湯治肺痿吐涎沫不止方去芍藥加皂莢

桂枝

生薑各三兩

甘草兩二

皂莢兩一

大棗十五枚

右五味咬咀以水七升煮取三升去滓分三服

麻黃湯治肺脹欬而上氣咽燥而喘脈浮者心下有水方

麻黃

芍藥

生薑仲景用乾薑細辛

桂心各三兩

半夏

五味子各半升 石膏兩四

右八味吹咀以水一斗煮取三升分三服仲景名此為小青
草二兩
為九味

肺癰第七論 方

論曰病欬唾膿血其脉數實者屬肺癰虛者屬肺痿欬而口中
自有津液舌上胎滑此為浮寒非肺痿若口中辟燥欬即胸中
隱隱痛脉反滑數此為肺癰也問曰病者欬逆師脉之何以知
為肺癰當有膿血吐之則死後竟吐膿死其脉何類何以別之
師曰寸口脉微而數微則為風數則為熱微則汗出數則惡寒
風中於衛呼氣不入熱過於榮吸而不出風傷皮毛熱傷血脉
風舍於肺其人則欬口乾喘滿咽燥不渴多唾濁沫時時振寒

熱之所過血為凝滯蓄結癰膿吐如米粥始萌可救膿已成則
難治寸口脉數趺陽脉緊寒熱相搏故振寒而欬趺陽脉浮緩
胃氣如經此為肺癰師曰振寒發熱寸口脉滑而數其人飲食
起居如故此為癰腫病醫反不知而以傷寒治之不應愈也何
以知有膿膿之所在何以別知其處師曰假令膿在胸中者為
肺癰其脉數欬唾有膿血設膿未成其脉自緊數緊去但數膿
為已成也

桔梗湯治欬胸中滿而振寒脉數咽乾而不渴時時出濁唾腥
臭又吐膿如粳米粥是為肺癰者方

桔梗三兩集驗用二兩
古今錄驗用一兩 甘草二兩

右二味以水三升煮取一升去滓分二服必吐膿血也

一方有款冬
花一兩半

瀉肺湯治肺癰喘不得卧方

葶藶三兩 大棗二十枚

右二味先以水三升煮棗取二升去棗內藥一棗大煎取七

合頓服令盡三日服一劑可至三四劑治肺癰胸脇脹一身

面目浮腫鼻塞清涕出不聞香臭欬逆上氣喘鳴迫塞未進

此方宜先服小青龍湯却服前藥其青龍湯方在十八卷

黃昏湯治欬有微熱煩滿胸心甲錯是為肺癰者方

黃昏手掌大一片是合昏皮也欬以水三升煮取一升

金匱引千金名草

分二服

又方薤白仁

瓜瓣半升

桃仁五十枚

葶藶切二升水一斗煮取五升

右四味以咀內葶汁中煮取二升服一升當有所見吐膿血

飛尸鬼疰第八論方灸法

論曰凡諸心腹痛服衆方熱藥入腹寂然不動但益氣息急者

此尸疰病也宜先服甘草汁一升消息少時服瞿麥湯盡一劑

得下便覺稍寬并暴癥堅結宿食及女人血堅痛發作無定者

神良

五疰湯治卒中賊風遁尸鬼邪心腹刺痛大脹急方

卷五十六

周少刻

大黄

甘草各三兩

當歸

芍藥各二兩

烏頭十枚

生薑

密各一

桂心四兩

右八味以咀別漬大黄以水九升煮取三升烏頭別內蜜中煎令得一升拌湯中去滓分服三合如人行三十里久更進

一服日三不止加至四合

蜈蚣湯治惡疰邪氣往來心痛徹背或走入皮膚移動不定苦熱四肢煩痛羸乏短氣方

蜈蚣一枚

牛黃一分

大黄二兩

丹砂

人參各三分

細辛

鬼臼

當歸

桂心

乾薑各一兩

黃芩

麝香各半兩

附子四枚

右十三味以水一斗煮取三升去滓下牛黃麝香末分三服

治卒中惡賊風寒冷入腹便絞痛或飛尸遁戶發作無時捨心胸滿脇痛如刀刺口噤者方

甘草

乾薑

茯苓

乾地黄

羊脂

當歸

細辛各一兩

芍藥

吳茱萸

桂心各二兩

梔子仁十五枚

右十一味以水八升煮取三升去滓內脂烱盡分三服欲利者加大黃三兩

欲利者加大黃三兩

欲利者加大黃三兩

欲利者加大黃三兩

欲利者加大黃三兩

欲利者加大黃三兩

欲利者加大黃三兩

欲利者加大黃三兩

治卒中惡風角弓反張或飛尸遁戶心腹絞痛者方

乾地黄

茯苓

芍藥

當歸

甘草各一兩

吳茱萸

桂心

乾薑

芍藥各二兩

梔子仁十四枚

右十味以水八升煮取三升分三服痛甚者加羊脂二兩當歸人參芍藥各一兩心腹堅急加大黃三兩

桃皮湯治中惡氣心腹痛胸脇脹滿短氣方

桃白皮一握東引者

真珠

附子各一兩

梔子仁十四枚

當歸三兩

吳茱萸

豉各五合

桂心二兩

右八味以水五升煮取二升去滓內真珠末分作二服一方無當歸以下四味

桃奴湯治衆惡諸尸蠱疰心腹卒絞痛方

桃奴

當歸

人參

乾薑各二兩

芍藥

甘草各三兩

丹砂

麝香

茯苓

犀角

鬼箭羽

桂心各一兩

右十二味以水九升煮取二升半去滓分二服未食服

大便不通腹滿者加大黃二兩芒硝二兩胡洽有雄黃一兩無丹砂芍藥

治卒中風寒冷溫氣入腹虛脹急滿搶心胸脇久痛氣息不通

脉弦緊汗不出及得傷寒方

吳茱萸

當歸

麻黃

獨活

甘草

桔梗

茯苓各二兩

桂心

青木香

石膏

大黃

犀角各二兩

右十二味以水九升煮取三升分三服日三

治風冷氣入腹忽絞痛堅急如吹大小便閉小腹有氣結如斗大脹滿起其脉弦老者沉遲方

瞿麥

當歸

猪苓

鬼箭羽

桔梗

防已

海藻

吳茱萸

芎藭各二兩

桂心

大黃各三兩

犀角二兩

右十一味以水九升煮取三升分三服

治諸雜症相連續死亦治三十年癩症方

桃根白皮一斤以水二斗煮取一斗去滓分八丸服

須令二日服盡崔氏用桃根白皮治症在心腹痛不可忍者

又方搗桃仁二七枚研酒服

又方小芥子末鷄子白和傳

尸疰鬼疰者即五尸之中尸疰又挾諸鬼邪為害者也其變動

乃有二十六種至九十九種大略令人寒熱淋瀝沉沉默默不

的知其所苦而無處不惡累年積月漸就頓滯以至於死死後

復產易傍人乃至滅門覺如此候者宜急療之方

獺肝一具陰乾治下篩水服一方寸七日三如一具不瘥

更作一具創小附著湯治飛尸賊風發時急痛不在一處針則移發一日半日乃瘥須更復發者方

- 細辛 甘草一作天雄各一分桂心三分
- 附子 烏頭 乾薑各一分雄黃

真珠各半兩

右九味治下篩酒服方寸匕不知稍增以知為度胡椒四分不

用桂心附子

大附著散治五尸疰忤與前狀同者方

- 黃芩 由跋 椒目 細辛

- 雄黃 乾薑 黃連各一分 犀角 麝香 牛黃各一分 天雄

- 桂心各半兩 真珠三分 蜈蚣一枚

右十五味治下篩酒服一錢七日三以知為度

大金牙散治一切疰病方見別卷中

金牙散治鬼疰風邪鬼語尸疰或在腰脊胸脇流無常處不喜見人志意不定面脫色目赤鼻張唇乾甲黃者方

- 金牙 雄黃 鐵精 野葛
- 露蜂房 芫薺 大黃 甘草
- 魯青 蛇蛻皮 真珠 丹砂

右四十五味治下篩先食以酒服一升日再不知漸加之	貝母 <small>枚二</small>	亭長 <small>枚各七</small>	蜈蚣	狼牙	毒公	藜蘆	椒目	桔梗	簡茹
			芫青	寒水石	胡燕屎	雷丸	烏頭	鬼臼	乾漆 <small>各一分</small>
			徐長卿	附子 <small>枚各一</small>	桂心 <small>各四分</small>	牛黃 <small>各三分</small>	狼毒	鬼箭羽	石長生
			斑猫 <small>各十枚</small>	蠅蜋	石膏 <small>五分</small>	人參	蕪荑	鬼督郵	狸骨 <small>一作鶴骨</small>

蟲隨大小便出崔氏各蜀金牙散
 白木散治風入臟腑悶絕常自躁痛或風疰入身冷疰鬼疰飛尸惡氣腫起或左或右或前或後或內或外針灸流移無有常處驚悸腹脹氣滿心頭痛或恍惚悲懼不能飲食或進或退陰下濕癢或大便有血小便赤黃房中勞極方

獨活	防風 <small>各五分</small>	芎藭	白木 <small>枚十四</small>	牡蠣	附子	白木 <small>枚十四</small>	秦朮	人參
柴胡 <small>各四分</small>	茯苓	牛膝 <small>各三分</small>	蜀椒	細辛	黃芩	秦朮	黃芩	黃芩
烏頭	桔梗	乾薑	細辛	桂心	當歸	秦朮	當歸	當歸
甘草	烏頭	烏頭	烏頭	烏頭	烏頭	烏頭	烏頭	烏頭

千金方 卷五十六 楊梓

麻黃

石南

莽草

栝蒌根

天雄

杜仲

各二分

右二十六味治下篩平且酒服五分七訖如人行七里又熱欲解更飲酒五合為佳

太乙備急散治卒中惡客忤五尸入腹鬼刺鬼非及中蠱疰吐血下血及心腹卒痛腹滿傷寒熱毒病六七日方

椎黃

桂心

芫花

丹砂

蜀椒

藜蘆

巴豆

野葛

附子

右九味巴豆別治如脂餘合治下篩以巴豆合和更搗合和

調置銅器中密貯之勿泄有急疾水服錢五七可加至半錢七老小半之病在頭當鼻衄在膈上吐在膈下利在四肢當汗出此之所為如湯沃雪手下皆愈右頌秘之非賢不傳龍牙散治百疰邪鬼飛尸萬病方

龍牙

茯苓

雄黃

棗膏

芍藥

乾地黄

石斛

胡燕屎

鬼箭羽

烏頭

羌活

露蜂房

魯青

真珠

桂心

杏仁

防風

桃奴

鬼臼

鶴骨

人參

大黃

白朮

蘇子

銅鏡鼻
 甘草
 橘皮
 芎藭
 鬼督郵
 遠志
 鼈甲各半
 狸陰二具
 蜈蚣一枚

右二十三味治下飾酒服一刀圭以知為度當有蟲從大便出

治鬼疰蠱毒氣變化無常者方

犀角
 麝香
 丹砂
 雄黃
 蜈蚣
 鮫魚皮
 丁香
 鹿角
 龍骨
 藜荷根
 蜀椒
 乾薑各一
 貝子十枚

右十二味治下飾酒服方寸匕加至二七日二
 備急散治卒中惡風氣忤迷絕不知人方見別卷三
 治暴心痛面無顏色欲死者方
 以布裹鹽如彈丸大燒令赤置酒中消服之利即愈

治蠱疰方
 燒猫兒屎灰水服之用雄猫兒
 墨奴散治卒得惡疰腹脹方

金下墨合 鹽合
 右二味合治以水一升半煮取八合一服令盡須更吐下即瘥

治哭症方

梳齒間刮取垢水服之

又方

亂髮兩

臘月豬脂二合

右二味取豬脂煎令消烱服之盡死矣

又方熬大豆裹尉之

治一切病食症方凡食上得病

取金下土鷄子大為末酢泔清一升和服之行五十步吐

即瘥

又方還取本食種數多少相似各少許和合布裹燒灰如杏人大水服之

鸛骨圓治遁尸飛尸積聚胃痛連背走無常處或在臍或腫在腹或奄奄然而痛者方

鸛骨廿二

丹砂卅

牡蠣卅

雄黃

莽草各四分

藜蘆

桂心

野葛各二

斑猫

芫青各十枚

巴豆四十枚

蜈蚣一枚

右十二味為末蜜丸如小豆每服二九日三以知為度

蜥蜴圓治癘堅水腫飛尸遁尸寒尸喪尸尸疰骨血相注惡氣鬼忤毒邪氣往來夢寤存亡流飲結積虎狼所齧犬所咋鳩毒入人五臟服藥以殺其毒毒即消婦人邪氣鬼忤亦能遣之方方與積聚篇重

蜥蜴

蜈蚣各二枚

蝨蟲

杏仁各三枚

地膽五十枚

麝蟲四十枚

朴硝

巴豆各七分

澤漆

鬼督郵

桑赤鷄

桃奴

犀角各二分

乾薑四分

虎骨六分

甘草兩

芍藥

甘遂各五分

欬冬花三分

蟻蛭十四枚

右二十味別治巴豆杏仁如膏內諸藥未研調下蜜搗二萬

杵丸如麻子大食前服二九日一不下加之不取吐下者一

九且服有人風冷疰癖堅二十年得愈

桔梗圓治毒疰鬼疰食疰冷疰痰飲宿食不消酒癖諸病方

桔梗

藜蘆

皂莢

巴豆

附子各二兩

右五味為末蜜和搗萬杵丸如梧子宿不食平且飲服二九

仰卧服勿眠至食時膈上吐膈下下去惡物如科斗蝦蟇子

或長一尺下後當大虛口乾可作鷄羹飲五合太極飲食

粥一升三四日病未盡更服忌如藥法

十疰圓治十種疰氣疰勞疰鬼疰冷疰人疰死人疰尸疰食疰

水疰土疰等方

雄黃

巴豆各二兩

人參

甘草

麥門冬

細辛一作藁本

桔梗

附子

皂莢

蜀椒各一兩

千金方

卷五十六

十三

三百六十一

右十味末蜜丸如梧子空腹服五九日再稍加以知為度
 太乙神明陷水圓治諸病破積聚心下支滿寒熱鬼疰長病欬
 逆噎噫辟除眾惡鬼逐邪氣鬼擊客忤中惡胃中結氣咽中閉
 塞有進有退繞臍絞痛惻惻隨上下按之跳手心中愠愠如有
 蟲狀毒疰相染甚至痲門者方

- | | | | |
|------|------|------|----|
| 雄黃 | 桂心 | 丹砂 | 礬石 |
| 藜蘆 | 大黃各二 | 芫青五 | 真珠 |
| 附子各一 | 麝香 | 人參 | 犀角 |
| 鬼臼 | 射罔 | 牛黃各一 | 蜈蚣 |
| 蜥蜴各一 | 烏頭八 | 杏仁三十 | 斑猫 |

標雞

地膽各七

當歸兩

巴豆一分

右二十四味為末蜜和搗二萬杵丸如小豆先食服二九日
 再不止稍增以藥二丸著閉上令眾邪不近傷寒服之無不
 愈若至病家及視病人夜行獨宿服二九眾邪不能近也
無元青桂心真珠麝香人參犀角烏頭射罔
 蜥蜴標雞牛黃當歸只十二味與積聚篇重
 江南度世圓治萬病癥結積聚伏尸長病寒熱疰氣流行皮中
 久病著牀肌肉消盡四肢煩熱嘔逆不食傷寒時氣惡疰汗出
 口噤不開心痛方

- | | | | |
|-----|----|----|------|
| 蜀椒三 | 人參 | 細辛 | 甘草各二 |
| 茯苓 | 真珠 | 大黃 | 乾薑 |

丹砂 野葛 桂心 雄黃
麝香 鬼臼各一 烏頭 牛黃各二
附子 紫苑各六 巴豆六十 蜈蚣二
右二十味為末蜜丸如小豆飲服二九加至四九日二加獺
肝一具尤良

大度世圓治萬病與前狀同者方

牛黃 大黃 雄黃 細辛
附子 真珠 甘草 人參
射罔 丹砂 鬼臼 莽草各一
蜀椒 麝香 鬼箭羽 茯苓

桂心 紫苑各二 乾薑三 野葛尺
蜥蜴 蜈蚣一 地膽五十 芫青二十
樗雞三十 巴豆仁八十
右十六味為末蜜丸如小豆飲服二九日二先食服之
治疰病相染易及霍亂中惡小兒客忤長病方

獺肝一 蜈蚣一 麝香二 雄黃
莽草 丹砂 鬼臼 犀角
巴豆 大黃 牛黃各一
右十一味末蜜丸如麻子空腹服二九至三九以止為度
雷氏千金圓治行諸氣宿食不消飲食中惡心腹痛如刺及瘡

方

硝石三分

大黃五分

桂心二分

乾薑二兩

巴豆仁六十枚

右五味為末，搗三千杵，蜜丸如大豆，服一丸，神驗無比。已死者，拆齒灌之。

治卒得尸疰毒痛往來方

杏仁

亂髮灰各等分

右二味研如脂，丸如梧子，每服酒下二丸，日三，姪氏猪膏和丸

治遁尸疰心腹刺痛不可忍者方

桂心

乾薑各一兩

巴豆仁二兩

右三味治下，篩以上酢和如泥，傅病上，乾即易之。

治遁尸疰心腹及身有痛處不得近者方

取艾小授，令碎著痛上，厚二寸餘，熱湯和灰，令強熱，置艾上，冷即易，不過二二度，瘥。

治遁尸飛尸，又治暴風毒腫流入四肢頭面方

白芥子一升，蒸熟，搗以黃丹二兩攪和，分作兩分，用踈布

袋盛，更蒸使熱，以薄布上，當更迭蒸，常使熱薄之，如此

二五度即定。

治人皮膚中痛，名曰癢疰方

醋和燕窠土傅之。

千金方

卷五十六

七

楊本房三百

治走疰方

燒車釘令熱暫入水以濕布裹處病上

治三十年氣疰方

豉心升 生椒合

右二味以水二升者取半升適寒温用竹筒縮取汁令病者側卧手擘大孔射灌之少時當出惡物此法垂死悉治得瘥百千不可具說

灸法

凡五戶者飛尸遁尸風尸沉尸尸疰也今皆取一方兼治之其狀腹痛脹急不得氣息上衝心脅傍攻兩脇或壘塊踊起或癢

引腰背治之之法灸乳後三寸男左女右可二十七壯不止者多

其壯數取愈止○又灸兩手大拇指頭各十壯○又灸心下三

寸十壯○又灸乳下一寸隨病左右多其壯數○又以細繩量

患人兩乳頭內即裁斷中屈之○又從乳頭向外量便當肋罅於

繩頭灸二壯或七壯男左女右卒疰忤攻心胃灸第七椎隨年

壯○又灸心下一寸三壯○又灸手肘文隨年壯一切病食疰

灸手小指頭隨年壯男左女右五毒疰不能飲食百病灸心下

三寸胃腕十壯

水疰中經云肺來乘腎食後吐水灸肺膻○又灸三陰交○

又灸期門穴在乳下一肋間瀉肺補腎也各隨年壯一切疰無

新又先仰卧灸兩乳邊邪下二寸第三肋間隨年壯可至三百壯又治諸氣神良一名淫市

孫真人備急千金要方卷之五十六丙辰冬十二月大戶孟通

